

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u vezi sa članom 7. Zakona o ministarskim vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), na prijedlog Ministarstva za privredu, Vlada Zeničko-dobojskog kantona, na 11. sjednici, održanoj dana 16.03.2023. godine, d o n o s i

ODLUKU

o izmjeni i dopunama Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona

Član 1.

(Dopune DIJELA DRUGOG)

U Odluci o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 7/15 i 11/16) u DIJELU DRUGOM – REGULIRANA TIJELA U KOJIMA JE VLADA ODGOVORNI JAVNI SLUŽBENIK U OBLASTI PRIVREDE I DJELATNOSTI VEZANIH ZA PRIVREDU iza POGLAVLJA IV - IMENOVANJE / NOMINIRANJE ČLANOVA ODBORA ZA REVIZIJU U PRIVREDNIM DRUŠTVIMA SA UČEŠĆEM DRŽAVNOG KAPITALA dodaje se POGLAVLJE V – TURISTIČKA ZAJEDNICA ZENIČKO-DOBOJSKOG KANTONA i glasi:

„POGLAVLJE V – TURISTIČKA ZAJEDNICA ZENIČKO-DOBOJSKOG KANTONA

Član 9a.

(Posebni uvjeti za imenovanje direktora)

(1) Posebni uvjeti za imenovanje direktora Turističke zajednice Zeničko-dobojskog kantona su:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja,
- b) najmanje 3 godine radnog iskustva nakon sticanja visoke stručne spreme,
- c) da nije član nadzornog ili upravnog odbora, odnosno odbora za reviziju nekog privrednog društva, institucije ili Turističke zajednice Zeničko-dobojskog kantona,
- d) da nije vlasnik ili član uprave nekog privrednog društva ili institucije,
- e) da posjeduje stručno znanje iz oblasti rada i organizacije privrednih društava i/ili institucija,
- f) da poznaje propise iz oblasti turizma,
- g) komunikacijske i organizatorske sposobnosti,
- h) sposobnost tumačenja ekonomskih i pravnih analiza i propisa,
- i) sposobnost upravljanja finansijskim i ljudskim resursima.

(2) Prilikom procjene posebnih uvjeta, kriteriji navedeni pod tačkama od e) do i) stava (1) ovog člana izrazit će se u bodovima od 1-5.

Član 9b.

(Posebni uvjeti za imenovanje/ nominiranje)

(1) Posebni uvjeti za imenovanje/nominiranje člana Nadzornog odbora Turističke zajednice Zeničko-dobojskog kantona su:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja,
- b) najmanje 5 godina radnog iskustva nakon sticanja visoke stručne spreme,
- c) da nije član nadzornog ili upravnog odbora, odnosno odbora za reviziju nekog privrednog društva ili institucije,
- d) da posjeduje stručno znanje iz oblasti rada i organizacije privrednih društava i/ili institucija,
- e) komunikacijske i organizatorske sposobnosti,
- f) sposobnost tumačenja ekonomskih i pravnih analiza i propisa,
- g) da poznaje propise iz oblasti turizma.

(2) Prilikom procjene posebnih uvjeta, kriteriji navedeni pod tačkama od e) do g) stava (1) ovog člana izrazit će se u bodovima od 1-5.“

Član 2.

(Novi član 24a.)

Iza člana 24. dodaje se novi član 24a. koji glasi:

„Član 24a.

(Sprovođenje oglasa za upražnjenu poziciju Nadzornog odbora i direktora Turističke zajednice Zeničko-dobojskog kantona)

Ministarstvo za privredu u ime Vlade Zeničko-dobojskog kantona kao odgovornog javnog službenika, raspisuje oglas za upražnjenu poziciju u skladu sa ovom odlukom za Nadzorni odbor i direktora Turističke zajednice Zeničko-dobojskog kantona.“

Član 3.

(Izmjena člana 26. Komisija)

U članu 26. stav (1) riječi „Ministar resornog ministarstva iz člana 23. i ministar iz člana 24.“ zamjenjuju se riječima „Ministar ministarstva iz člana 23., 24. i 24a.“.

Član 4.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

PREMIJER

Broj: 02-38-4172/23

Datum, 16.03.2023. godine

Z e n i c a

Amra Mehmedić

DOSTAVLJENO:

1x Ministarstvu za privredu,

1x Stručna služba Vlade,

1x „Službene novine Zeničko-dobojskog kantona“,

1x a/a.